

U-Polis  
Nr. 537. Prot  
Dt. 18.07.2022



REPUBLIKA E SHQIPËRISË  
AGJENCIA E SIGURIMIT TË CILËSISË NË ARSIMIN E LARTË

Nr. 248 Prot.

Tiranë, më 15. 7 .2022  
(Lutemi referojuni në rast përgjigje)

**LËNDA:** Përcillet vendimi i Bordit të Akreditimit

**UNIVERSITETIT POLIS**  
Autostrada Tiranë-Durrës, Km5,

**TIRANË**

Bordi i Akreditimit, në mbledhjen e tij të rradhës, të mbajtur më datë 22 Prill 2022, mori vendime që lidhen me vlerësimin e jashtëm në kuadër të akreditimit të programit të studimit të Universitetit Polis.

Lutemi, gjeni bashkëngjitur, vendimin e Bordit të Akreditimit Nr. 30, datë 22.04.2022.

Gjithashtu, Ju bëjmë me dije se vendimet janë publikuar dhe në faqen zyrtare të internetit të ASCAL.

**DREJTORI**

**NË MUNGESË DHE ME URDHËR  
PËRGJEGJËS SEKTORI PVC**



**Xhiliola Bixheku**

Adresa: Rruga e Durrësit, Nr. 219, Tiranë; Tel: +355(0)2243423/2266203;  
web: [www.ascal.al](http://www.ascal.al); e-mail: [info@ascal.al](mailto:info@ascal.al)



REPUBLIKA E SHQIPËRISË  
AGJENCIA E SIGURIMIT TË CILËSISË NË ARSIMIN E LARTË  
BORDI I AKREDITIMIT

VENDIM

Nr. 30, datë 22.04.2022

PËR  
AKREDITIMIN E PARË TË PROGRAMIT TË STUDIMIT 2 VJEÇAR, ME KARAKTER  
PROFESIONAL NË “MIRËMBAJTJE RRJETE KOMPJUTERIKE”, TË  
UNIVERSITETIT POLIS

Bordi i Akreditimit, bazuar në Ligjin Nr. 80 datë 17.09.2015 “Për arsimin e lartë dhe kërkimin shkencor në institucionet e arsimit të lartë në Republikën e Shqipërisë”, Ligji Nr. 8480, datë 27.5.1999 “Për funksionimin e Organeve Kolegjiale të Administratës Shtetërore dhe Enteve Publike”, Ligjin Nr. 44/2015, datë 30.04.2015, “Kodi i procedurave administrative të Republikës së Shqipërisë”, Vendimin e Këshillit të Ministrave Nr. 109, datë 15.02.2017 “Për organizimin dhe funksionimin e Agjencisë së Sigurimit të Cilësisë në Arsimin e Lartë e të Bordit të Akreditimit dhe për përcaktimin e tarifave për proceset e sigurimit të cilësisë në arsimin e lartë”, i ndryshuar, Vendimin e Këshillit të Ministrave nr. 531, datë 11.9.2018, “Për miratimin e Kodit të Cilësisë së Arsimit të Lartë”, Vendimin e Bordit të Akreditimit, Nr. 1, datë 07.04.2017, “Për mbylljen e procedurave të mbartura për shkak të riorganizimit të Institucioneve të Sigurimit të Cilësisë në Arsimin e Lartë”, Vendimin e Bordit të Akreditimit, Nr. 2, datë 07.04.2017, “Për përcaktimin e kohëzgjatjes dhe afateve të vlefshmërisë së akreditimit në kuadër të vendimmarrjes për akreditimin e Institucioneve të Arsimit të Lartë dhe Programeve të Studimit” dhe Vendimin e Bordit të Akreditimit, Nr. Ekstra 1, datë 02.02.2018 “Për miratimin e Rregullores së Bordit të Akreditimit”, në mbledhjen e tij të datës 22.04.2022, në kuadër të vendimmarrjes për akreditimin e parë të programit të studimit 2 vjeçar, me karakter profesional në “Mirëmbajtje Rrjete Kompjuterike”, me të dhënat si më poshtë:

- a) Emërtimi i programit: Program studimi 2 vjeçar me karakter profesional në “Mirëmbajtje Rrjete Kompjuterike”
- b) Cikli i studimit: Program me karakter profesional
- c) Akti zyrtar i hapjes/licensimit: Urdhër i Ministrit të Arsimit, Sportit dhe Rinisë Nr. 814, datë 21.12.2018
- d) Institucioni që e ofron: Universiteti Polis
- e) Njësia bazë përgjegjëse: Departamenti i Kërkimit të Aplikuar
- f) Kohëzgjatja (Vite/semestra): 2 vite/4 semestra
- g) Kredite (ECTS): 120 kredite
- h) Forma e studimit: Me kohë të plotë
- i) Statusi i diplomës: ofrohet vetëm nga Universiteti Polis



j) Niveli i diplomës në kuadrin e Kornizës Shqiptare të Kualifikimeve: Niveli 5

**pasi mori në shqyrtim:**

- a. Dokumentacionin e Vetëvlerësimit, përfshirë të dhënat e programit të studimit;
- b. Raportin e Vetëvlerësimit dhe dokumentacionin mbështetës;
- c. Dokumentacionin e Vlerësimit të Jashtëm, përfshirë Raportin e Vlerësimit të Jashtëm, dhe dokumentacionin shtesë;
- d. Raportimin e Ekspertëve të Vlerësimit në mbledhjen e Bordit;
- e. Vlerësimin e cilësisë në përmbajtje, të kryer nga ekspertët e jashtëm në përbërje të Grupit të Vlerësimit të Jashtëm;
- f. Procedurën e vlerësimit të ndjekur dhe monitoruar nga ASCAL;
- g. Komunikimin e vërejtjet e institucionit në kuadër të këtij procesi;

**konstaton se:**

- a. Procedura dhe procesi i vlerësimit janë kryer në përputhje me parashikimet ligjore dhe nënligjore dhe afatet e përcaktuara në këto akte;
- b. Vlerësimi në përmbajtje është i mbështetur në Dokumentacionin e Vetëvlerësimit, Vlerësimit të Jashtëm dhe gjetjet e verifikimet gjatë vizitës në institucion;
- c. Raporti është hartuar në përputhje me kërkesat dhe i mbështetur me fakte, të dhëna e dokumentacion plotësues;
- d. Rezultatet e vlerësimit janë nxjerrë në përputhje me gjetjet, pikat e forta e afirmimet dhe pikat e dobëta, të identifikuar e verifikuara përmes dokumentacionit dhe vizitës në institucion;
- e. Rezultati i vlerësimit në lidhje me shkallën e plotësimit të *“Standardeve për sigurimin e cilësisë për programet e studimit me karakter profesional”* dhe cilësinë e ofertës akademike të programit të studimit është **“i përmbush kryesisht standardet”**, me mangësitë si më poshtë:
  1. Mangësi në përshtatjen e kuadrit teorik për literaturën e detyruar të këtij programi studimi.
  2. Pjesëmarrje e ulët e studentëve të këtij programi studimi në organet vendimmarrëse e këshillat studentore.
  3. Mungesa e ruajtjes së anonimatit të studentëve gjatë korrigjimit të provimeve.
  4. Mbështetje e ulët e personelit akademik të këtij programi studimi, në kuadër të trajnimeve mbi metodologjitë e mësimdhënies.

*Mbështetur mbi rezultatet dhe arsyetimin e mësipërm, Bordi i Akreditimit,*

**VENDOSI:**

1. Vlerësimin përfundimtar **POZITIV** për programin e studimit 2 vjeçar me karakter profesional në **“Mirëmbajtje Rrjete Kompjuterike”**, të **Universitetit Polis**, me rekomandimet sipas shtojcës së këtij vendimi.

2. Akreditimin e programit të studimit me kohëzgjatjen prej 4 (katër) vite.
3. Afati përfundimtar i vlefshmërisë së akreditimit të programit të studimit është 21/04/2026.
4. Ngarkohet Agjencia e Sigurimit të Cilësisë në Arsimin e Lartë për zbatimin e këtij vendimi, publikimin dhe lëshimin e certifikatës së akreditimit brenda një muaji nga data e marrjes së këtij vendimi, si dhe monitorimin për ruajtjen në vijim të Standardeve të Kodit të Cilësisë dhe plotësimin e rekomandimeve sipas shtojcës bashkëlidhur.

Ky vendim hyn në fuqi menjëherë.

#### BORDI I AKREDITIMIT

SHQIPONJA TELHAJ		Kryetare
ALEXANDER KOHLER		Anëtar
AYŞEN SAVAŞ SARGIN		Anëtar
TOMASZ JELENSKI		Anëtar
IRAJ HASHI		Anëtar
MAURICE OUDEJANS		Anëtar
LEA YPI		Anëtar
KITA SALLABANDA DIAZ		Anëtar
DARINKA PIQANI		Anëtar

DRITAN NAÇE

A handwritten signature in blue ink, appearing to read 'D. Naçe', with a stylized flourish at the end.

Anëtar

INDRIT HOXHA

A handwritten signature in blue ink, appearing to read 'Indrit Hoxha', with a horizontal line underneath.

Anëtar

## Shtojca

Rekomandimet në zbatim të vendimit të Bordit të Akreditimit Nr. 30, datë 22.04.2022, "Për akreditimin e parë të programit të studimit 2 vjeçar me karakter profesional në "Mirëmbajtje Rrjete Kompjuterike", të Universitetit Polis, janë si vijon:

1. Institucioni, të rrisë përpjekjet për përshtatjen e kuadrit teorik të literaturës në përputhje me këtë program studimi.
2. Institucioni, të marrë masa për rritjen e pjesëmarrjes të studentëve të këtij programi studimi në organet vendimmarrëse e këshillat studentore.
3. Institucioni, të marrë masa për të garantuar metoda testimi që të ruajnë anonimatën e studentëve, të garantojnë transparencën dhe të ulin mundësitë e abuzimit.
4. Institucioni, të shtojë format e bashkëpunimit dhe të rrisë mbështetjen për personelin akademik të këtij programi studimi, sidomos në kuadër të trajnimeve mbi metodologjitë e mësimdhënies.
5. Institucioni, të shohë mundësinë e bashkëpunimit dhe shkëmbimit të njohurive edhe me institucione homologe që ofrojnë programe të ngjashme studimi.

Në përmbushje të rekomandimeve të mësipërme, **Universiteti Polis**, duhet të hartojë një Plan Veprimi konkret dhe ta dorëzojë atë brenda 6 (gjashtë) muajve pranë Agjencisë së Sigurimit të Cilësisë në Arsimin e Lartë.

Ngarkohet ASCAL për ndjekjen e përmbushjes së këtyre rekomandimeve dhe raportimin në BA brenda afatit të përcaktuar në Planin e Veprimit.

